



**SIARAN AKHBAR
Untuk Siaran Segera
26 Disember 2025**

SD Guthrie Komited kepada Gaji Kehidupan Wajar untuk Tenaga Kerjanya di Malaysia

Inisiatif tersebut memastikan pendapatan adil dan saksama untuk semua pekerja sekaligus menyokong aspirasi sosio-ekonomi nasional

Petaling Jaya, 26 Disember 2025 – SD Guthrie Berhad (Guthrie) beriltizam meningkatkan taraf kehidupan tenaga kerja bagi operasinya di Malaysia melalui polisi gaji kehidupan wajar yang bakal digubal dalam suku pertama 2026. Polisi tersebut akan diperkenalkan secara berfasa bagi menyelaraskan komitmen sedia ada dengan Panduan Perbelanjaan Belanjawanku oleh Kumpulan Wang Simpanan Pekerja. Fasa pertama polisi tersebut akan melibatkan 8,000 orang pekerja yang bukan dari sektor perladangan dan disasarkan selesai menjelang Disember 2026.

Dalam merangka polisi tersebut, Guthrie mengambil kira komitmen sedia ada serta piawaian antarabangsa berkenaan kebajikan pekerja yang telahpun diamalkan oleh syarikat tersebut. Ini termasuklah tanggungjawab untuk menyediakan manfaat kepada pekerja di bawah undang-undang Negara, khususnya Akta 446 atau Akta Standard Minimum Perumahan, Penginapan dan Kemudahan Pekerja 1990, yang telah dipinda pada Julai 2019. Guthrie juga mematuhi panduan dan piawaian yang telah ditetapkan oleh Persidangan Meja Bulat Minyak Sawit Lestari (RSPO) serta Organisasi Buruh Antarabangsa (ILO).

Komitmen terkini Guthrie terhadap pelaksanaan gaji kehidupan wajar adalah selaras dengan pengumuman yang sama oleh Permodalan Nasional Berhad (PNB) berhubung polisi tersebut. Pengumuman PNB tersebut dilaksanakan secara kolektif bersama Syarikat-syarikat Pelaburan Berkaitan Kerajaan (GLICs) yang lain sebagai sebahagian daripada inisiatif GEAR-uP (*Government-linked Enterprises Activation and Reform Programme*) yang diterajui Kementerian Kewangan.

Operasi Guthrie di Malaysia meliputi 11 negeri serta merangkumi 121 ladang-ladang, 31 kilang kelapa sawit dan beberapa fasiliti hiliran serta tenaga boleh diperbaharui. Lebih 35,000 orang pekerja berkhidmat dalam operasi tersebut termasuklah para pekerja asing dari beberapa buah negara. Dalam merangka Polisi Gaji Kehidupan Wajarnya, Guthrie akan mengambil kira beberapa faktor penting seperti perbezaan kos sara hidup antara beberapa lokasi dalam negara serta nilai pelbagai manfaat komprehensif sedia ada yang sudahpun dinikmati oleh para pekerja syarikat tersebut.

Mengenai SD Guthrie Berhad

SD Guthrie Berhad (Guthrie) ialah syarikat global terkemuka dan bertanggungjawab dalam sektor pengeluaran Minyak Sawit Disahkan Mampan (CSPO). Dengan tenaga kerja melebihi 83,000 orang, kami memenuhi keperluan pengguna dan pelbagai jenama makanan di 86 buah negara. Semua minyak

sawit yang kami hasilkan adalah bebas daripada penebangan hutan dan boleh dikesan sumber asalnya.

Dengan sejarah penubuhan melangkaui 200 tahun, kami kini merupakan peneraju inovasi yang membangunkan generasi baharu robotik serta penyelesaian berasaskan teknologi bagi sektor minyak sawit dan perniagaan tani. Kami turut memenuhi permintaan bagi tenaga boleh diperbaharu melalui pembangunan projek solar dan taman perindustrian berprestasi tinggi, sambil memanfaatkan kepimpinan kami dalam kelestarian untuk membina lebih banyak kejayaan serta perniagaan yang siap siaga menghadapi masa depan.

Kelestarian adalah teras kepada segala yang kami lakukan. Sebagai syarikat minyak sawit pertama dunia dengan sasaran pengurangan gas rumah hijau bersih-sifar yang diluluskan oleh Science Based Targets initiative (SBTi), kami melangkaui dan meningkatkan penanda aras sedia ada melalui rangka kerja kelestarian Beyond Zero, demi memacu perubahan yang bermakna dalam sektor industri kami.

Guthrie mengendalikan 234 ladang sawit di Malaysia, Indonesia, Papua New Guinea, dan Kepulauan Solomon, yang disokong oleh 11 kilang penapisan dengan jumlah kapasiti tahunan sebanyak empat juta tan metrik. Kami menghasilkan 12% daripada jumlah keseluruhan CSPO di dunia. Kami juga menghasilkan dan menjual pelbagai derivatif minyak sawit seperti oleokimia, biodiesel, dan nutraseutikal, serta giat membangun dan mengkomersialkan benih sawit berprestasi tinggi dan lebih berdaya tahan terhadap cabaran perubahan iklim.

Disenaraikan di Bursa Malaysia (KLSE: SDG) dengan modal pasaran sebanyak RM38.86 bilion (USD9.61 billion) setakat 24 Disember 2025, Guthrie adalah salah satu syarikat strategik milik Permodalan Nasional Berhad, syarikat amanah saham terbesar di Malaysia dan pemegang saham utama kami. Kami turut disokong oleh beberapa institusi pelaburan besar yang lain seperti Kumpulan Wang Simpanan Pekerja (KWSP) dan Kumpulan Wang Persaraan (Diperbadankan) (KWAP).

Untuk maklumat lanjut, sila layari www.sdguthrie.com.

Atau Hubungi:

- **Hafiz Noor, Timbalan Ketua Pegawai Komunikasi**
Tel: +6019-424 8283 | E-mail: hafiznoor@sdguthrie.com
- **Azneal Azam, Ketua, Kandungan dan Saluran**
Tel: +6016-337 6160 | E-mail: azneal.azam@sdguthrie.com